

**IN OCASION
DELE NOZZE
NIEVO E CONTI
[MARCO
SPRANZI]**

Marco Spranzi



23
schd.

IN OCASION

DELE NOZZE

NIEVO E CONTI

AL SIOB ABATE

D. ANDREA SIGNORINI

FU MESTRO DEL SPOSO

L' AMICO

MARCO SPRANZI

Per sto felice di, nel qual s' inesta
 Do illustri Pole de do antiche Piante,
 Quasi quasi me gera saltà in testa
 De iuvocar la me Musa alti-ragiante,
 Ma sto prurito m'è sortìo de mente
 E go risolto de no cantar gnente.

Qual mai titolo avea de saltar fuora
 A far plansi a sto Nodo? e cossa mai
 In mezzo a tanti Cigni che lo onora,
 De bel genio Febeo l' estro infiammai,
 Cossa mai podea dir un Calavron
 Che solamente de ruzar xè bon?

Par voi cussì in abozzo fra de nu,
 Amigo, del pensier, che avea creà,
 Darve un'idea, certissimo che vu
 De quel che adesso ve confido quà
 Co nissun de sto moudo parlarè,
 Che so che savè taser co volè.

Stabilio donca aveva de supor
 Che se fusse una volta molto acesa
 Fra el biondo Imene, e 'l Pargoletò Amor
 Una fiera vivissima contesa:
 Cosa che stà in natura de sti Dei
 Rabiose bardassete de putei.

Quà volea finzer che sta dissension
 Dei efeti portasse assae funesti
 O rendendo più rare le ocasion,
 O de velen sparzendo i nostri inesti;
 E che fusse al Gran Giove vegnù in mente
 De rapacificarli novamente.

Destinà el dì per giudicar la Causa
 Cupido xè stà el primo a perorar .
 Montà in bigonzo dopo breve pausa
 Per sedur el so Giudice e inganar ,
 L'ha composto con arte e ipocrisia
 La voce , el gesto , la fisionomia .

Somo Giove , se mi son destinà
 A promover i Nodi congiugali ,
 De strenzerli Imeneo xè incaricà ,
 E de apagar i voti dei Mortali :
 El so poter xè donca dipendente
 Dal'arco de Cupido onipossente .

Ma disprezzando ormai del proprio regno ,
 O superbo , o ribele , o pur ingrato
 El valido e legitimo sostegno ,
 Un infame sistema Imen s'ha fato
 De formar quei legami provocà
 Soltanto da bastarde empie Deità .

Gran Dio, le conseguenze le vedè,
 Senza che ve l'espona, da vu stesso;
 Sichè son certo che d'Imen vorè
 El temerario ardire alfin represso:
 Questo invoco con tuta l'umiltà
 Dala vostra Superna Autorità.

Finia cussì la disputa d'Amor,
 Imen, che intanto avea scritto el sumario,
 Xè sbalzà sul bigonzo, e al gran Motor
 L'ha indicà soridendo el so Aversario,
 E in ato de disprezzo e compassion
 L'ha pronunzià a difesa sta orazion:

Nel difenderme, o Giove, dale acuse,
 Dele quali me agrava ancuò Cupido,
 Usar no veggio negative o scuse
 Che le sdegnà el mio cuor; ma sol me afido
 Sula giustizia, la razon, e'l fato,
 Che dirà che no son ribele o ingrato.

Se Amor, come lu dise, gà el pensier
 De disponer i Nodi, e mi d'unirli;
 Chi de nn se disalvea dal dover?
 Lu che per mi usa de raro ordirli,
 O mi che de Cupido nel difeto
 Le oferte d'altri Dei per zelo aceto?

Come galo el coragio d'asserir
 Che lu xè el mio più valido sostegno?
 Lu che con vile onagio osa servir
 Ala *Galanteria*, al *spurio Impegno*,
 Che dona protezion, dona alimento
 Al *Capriccio*, al' *Ingano*, al *Tradimento*?

Che se pur son colpevole, xè tuta
 La causa del mio eror necessità;
 Ma Cupido xè el rco, e a lu è dovuta
 La pena contro mi da lu invocà,
 A lu che sempre sedutor ardito
 Colpa comete volontario. Ho dito.

Ripete allora Amor: Imen, palesa
 Quali sia i to sublini Protetori;
 Esponi pur qualche gloriosa impresa
 Fata soto i so auspici, i so favori;
 Te sfido a nominarli, e se ti è bon,
 Nel farlo a no arossir da confusion.

Mi no vado a cercar, replica Imen,
 Se i me lazzi sia dolci, o pur fatali;
 Questa è una parte che al' Amor convien;
 A mi basta conginggere i Mortali,
 L'incarico adempir che m'è stà dà,
 E propagar cussì l' Umanità.

Pur no ricuso dir chi de Cupido
 M'ofre in mancanza i congingali nodi.
 La *Pazzia*, sula qual molto confido.
 Sta Dea che ha sede nei cerveli vodi
 Li stimola, li scalda, li seduse,
 E ai me lazzi scherzando li conduse.

El Dio *Maneggio*, che irequieto ansioso
 Pien de progeti score piazze e strade,
 E in le case internandose ofizioso
 Soletica, convince, persuade;
 E bravo Mediator de profession
 Vince obieti, e combina condizion.

La Dea, che mostra d'ecitar in cuor
 Verso un ogeto la più onesta brama,
 E intanto cola mascara d' Amor
 D'ardenti desiderj i sensi infiamma,
 La Dea libidinosa *Volutà*
 El me Tempio tien sempre frequentà.

L' *Interesse*, che a tempo fa ziogar
 Le riche eredità, le pingue Doti,
 Chel femminile ingegno sà aguzzar
 Per conquistar dei comodi merloti;
 Sto Dio senza el concorso del' Amor
 Me procacia dei vincoli a furor.

Cola magia del fasto l' *Ambizion*

Aumenta i congiugali Candidati :

Un titolo che acorda distinzion ,

L'idea de figurar strenze i Contrati ,

E ben spesso un bel Abito li cerca ,

Un Casin , do Cavai , una Livrea .

Spesso qualche Belezza consennà

Dala *Desperazion* vien vincolada ;

Qualche Vitima , senza umanità

Da *Violenza* ai me nodi è condanada ;

E unisso de Mortali un qualehe pèr

Al' ara strascinaì dal Dio *Dover* .

Quà , o *SIGNORINI* , avea fissà in idea

De dir chel Somo Giove rinfaciasse

La condota ai do Numi come rea ;

E che in fin la Sentenza pronunciasse

Uniti precetandoli de agir ,

E dei do scessi i voti favorir ;

Chel primo dolce Vincolo Nuzial
 Combinà dai do Dei pacificai
 Xè quello amabilissimo genial,
 Che felicità ancuò do inamorai,
 Che la bona GIULIETA virtuosa
 Rende del dolce GALEAZZO Sposa.

Da vu stesso al presente comprendè
 Che bel piano m'aveva architetà
 Per dir, che sto legame solo xè
 (E lo disea con tuta ingenuità
 Senza le adulazion c'usa el Poeta)
 Opera de Cupìdo neta e schieta.

Dela fiamma l'origine averave
 E la rara costanza celebrà,
 Dei Sposeti el Carattere soave
 La Virtù, la Saviezza, la Boutà,
 E averave invocà presto dal Cielo
 Un amabile vegeto Putelo.

Ma ghe vuol genio, Amigo caro, e vena
Per condur un poetico pensier,
E mi no gò nè abilità, nè lena,
Nè so gnanca i principj del mestier;
Sichè me levo el Canachion dal colo
E su ste Nozze de cantar ghe molo.

Vicenza 1805
Tipografia Paroni

